

A base di kiko lo evaluá e notifikashon?

- E propaganda pa evenemento por wòrdu poné solamente ora e otro pèrmitnan nesesario pa e evenemento a ser otorgá.
- E propaganda por di ser poné den (òf visibel for di) área públiko 14 dia promé ku e evenemento i mester ser kitá dentro di 24 ora despues di e evenemento.
- No ta permití pa e propaganda wòrdu di plak òf marká ku kreit òf ferf, etc. riba superfisio di kaya públiko òf riba edifisionan.
- Si e propaganda ta wòrdu kologá, e midí mester ta maksimal 2 m² i e parti abou mester ta por lo ménos 4,50 m for superfisio di suela.
- No ta permití pa pone propaganda na bòrchinan di kaya i di tráfiko, solamente na palu di lus (no na mata den área públiko), i e mester wòrdu pegá di tal manera ku e por wòrdu kita fásilmente despues.
- No ta pèrmití pa iluminá e propaganda.
- Di akuerdo ku artíkulo 16 di e lei di òrdu públiko (LOO) no ta pèrmití pa e propaganda kontené propaganda pa produktonan.
- No ta pèrmití pa pone propaganda riba rotònde.

Kontakto

Bo por drenta kontakto ku nos na e siguiente manera:

+5999-4333200
info.vvrp@gobiernu.cw

www.gobiernu.cw



MINISTERIO DI
TRÁFIKO, TRANSPORTE I PLANIFIKASHON URBANO

**PROPAGANDA PA
EVENEMENTO**

Bo ke pone propaganda temporalmente den área públiko pa un evento?

Pa pone propaganda pa anunsiá un evento, bo no tin nodi di entrega petishon pa un pèmit òf eksonerashon, ya ku e propaganda ta temporal.

Sí ta obligatorio pa manda un notifikashon por eskrito na Servisio pa Planifikashon Urbano (UOROP), por lo ménos seis siman promé ku pone e propaganda.

Si tin un òf otro opheshon kontra e propaganda en kuestion, lo bo ser poné na altura dentro di tres siman despues ku UOROP risibí e notifikashon. Den e kaso ei lo bo no por pone e propaganda den área públiko òf bisto for di área públiko.

E propaganda mester kumpli ku kua eksigensianan?

E propaganda no tin mag di:

- kousa daño físiko na kaya òf ophetonan den área públiko,
- forma un estorbo pa e uso efisiente di área públiko,
- opstakulisá e aksesibilidat di e área públiko,
- forma un opstákulo pa siguridad den tráfiiko,
- stroba e mantenshon di e área públiko,
- forma molèster òf susedat,
- hasi daño na e bista di e área públiko,
- tin un kontenido ofensivo, skandaloso òf violento (hende sunú, sèks, rasismo, arma, etc.).

E notifikashon mester kumpli ku kua eksigensianan?

E notifikashon mester kontené en todo kaso:

- nòmber di e kompania òf instansha,
- nòmber i kopia di identifikashon di e persona di kontakto,
- adrès, number di telefon i e-mail adrès,
- den kaso di un outorisashon: kopia di esaki, no mas ku 3 luna bieu,
- periodo di e kampaña (fecha te ku...),
- e forma di propaganda, e lugá(nan) kaminda lo pone propaganda, e materialnan i kolónan ku lo ser usá, e kantidat di opheto di propaganda, e manera ku lo instalá/pega nan,
- kopia di e pèmitnan nesesario pe evento,
- indikashon di e teksto i imágen di e propaganda.

E notifikashon por eskrito mester ta komprendibel, korekto i completo, pa e por ser evaluá na UOROP.